



UDRUŽENJE  
NACIONALNI BIRO  
OSIGURAVAČA  
CRNE GORE



# Vrijeme je za osiguranje

**Pojmovnik  
osiguranja**

[www.nbocg.me](http://www.nbocg.me)

*Šta je  
Garantni fond?*

**G**arantni fond je osnovan radi ekonomske zaštite putnika u javnom saobraćaju i trećih oštećenih lica u slučajevima kada je šteta pričinjena upotrebom neosiguranog, nepoznatog prevoznog sredstva kao i u slučajevima kada je nad društvom kod kojeg je vozilo osigurano pokrenut postupak stečaja.

Bez obzira na činjenicu da je osiguranje od autoodgovornosti obaveznog karaktera, nažalost postoje situacije kada je zakon prekršen ili kada ga nije moguće primijeniti. Pojedini vlasnici vozila ne osiguravaju svoja vozila, ili nakon počinjene nezgode bježe sa lica mjesta ili osiguranici mogu doći u situaciju da društvo kod kojeg su osigurali svoja vozila ode pod stečaj. Da bi se u navedenim slučajevima pružila adekvatna pravna zaštita oštećenim licima u vidu naknade štete osnovan je Garantni fond, koji vrlo uspješno posluje u okviru Udruženja NBCCG, na način što u saradnji sa osiguravajućim društvima i nadležnim službama MUP-a rješava odštetne zahtjeve kako bi ova lica bil obešćena na adekvatan način. Kada je šteta u saobraćajnoj nezgodi prouzrokovana upotrebom neosiguranog vozila, nepoznatog vozila za slučaj da je pričinjena nematerijalna šteta i vozila koje je na dan nezgode bilo osigurano kod osiguravajućeg društva koje je otišlo u stečaj svoj obrazloženi zahtjev sa dokumentacijom dostavljaju Garantnom fondu, koji nakon sprovedene zakonske procedure rješava zahtjeve.

**Udruženje Nacionalni Biro Osiguravača Crne Gore**